

الما

الأهمية ديال الما معروفة عند الجميع و البرنامج ديالنا ما خصناش أسبوع واحد باش نتكلمو على الموضوع ديال الما ولكن غانخصصو جوج ديال الأسابيع و نتكلمو دائما على الما. شفنا الما ف الطبيعة و ف محطة العلاج، شفناه عند الموزع و حتى ف الدار ديالنا. اليوم غادي نتكلمو على منتوجات عندها علاقة بالما و غاتشربوها.

كانسمعو ناس كايگولك أودي منين سكنت ف الدار ديالي الما كنت كانشربو من الروبييني و لكن هاد السنين الأخيرة ما بقيتش كانشربو من الروبييني لأن الما ولا عندو مذاق و بعض المرات عندو حتى لون.

شفنا ف حلقة من الحلقات ديالنا و اللي الموضوع ديالها الما بأن هاد المشكل يقدر يكون جا غير من شي عطب ف الطريق قبل ما وصل إل الدار و يقدر يجي حتى من الجعابي يال الدار اللي قدامو و وبدو كا يعطيو الريحه و المذاق و اللون إل الما. هاد الشي علاش تكلمنا على منتوجات عندها علاقة بالما و كايينة ف الأسواق ديالنا. غانمشيو نديرو واحد الدورة و نشوفو أشنو هو اللي كايين باش هكدا يمكن لنا نصفيو الما و نحيدو منو المذاق و حتى اللون.

ف الأسواف ديالنا غادي نلقاو الصفيات ف أنواع مختلفة، نتكلمو على هاد الصفيات و نشوفو العيب و اللي مزيان. نبدأو بالصفاية اللي كاتركب ف الروبييني ف البزوز. اللي مزيان أن الما كايخرج من البزبور و هو مصفي مرة أخرى. الحاجة اللي فيها العيب أنك خاصك تكون متيقن بأن الصفاية اللي غادي تشري كاتركب ف الروبييني اللي عندك ف الدار و إلا راك شريت على والو، أو لا خاصك تحل الروبييني من الدار و تديه معك باش تجرب الصفاية و هاد الشي ما يمكنش.

نتكلمو على واحد النوع واحد آخر هاد النوع هدا كانشوفو ف الصورة كايشبه الغراف أو لا الطرموس و فيه الصفاية ديال الما. هنا غا ناخذ هداك الغراف، غانعمر الما من الروبييني و غانخلي الما يتصفي داخل الغراف و ها هو واجد. غير حاجة مهمة بالنسبة لنوع الأول أو لا النوع الثاني يعني الأنواع كاملة ديال الصفاية ديال الما، ما نساوش نسولو يمتي نبديل الفلطر، يمتي نبديل الصفاية اللي فيه و لا راه شي حاجة مادرتها. إوا هاد الشي كلو إلا كئلناه راه غير باش تحل الروبييني تشرب على خاطر ك و تستهلك بلا ما تهلك.